

張氏殿南案

壬申三月

張氏暨案

男體沅署

張氏醫案序

張少甫先生以疏經注史之餘游意靈素鈎深致遠務徹其理非如世醫徒撫拾驗方以爲能事者比也往歲予常從事斯道於本草內經傷寒金匱諸書亦既蚤夜鑽研不遺餘力矣其於臨症猶茫然不知其畔岸也既與先生相晤有所不通者賴其耳提而面命之退而思憬然若有所得然卒不敢爲人一診脉一製方也蓋醫道之難如此因謂先生平日臨症所得不妨筆之於書以廣仁術先生欣然諾之去年冬十月予過先生視其病偶詢及此先生喟然曰頃者吾憚勞甚雖行不能數武其安能竟吾業也相與愀然者久之自後不復相見蓋先生已於臘月即世矣今其子用和手遺編相示顏曰張氏醫案且欲刊而行之屬予爲之序展讀一過竊不能無所慨焉夫醫家之有方案由來尙矣往往有脉同證同而其方無效者何也將無醫者投其方病者未常服其藥又不肯爲醫者道之迨其病愈醫者遂神其技而自知也若然則古今之醫案誠有

難言者矣然先生所診病多屬親故而又最相信者重以周詳審慎更折其衷於古人則其所撰述尙可信今而傳後因就管見所及書以發其端至其平生之學則非此所能盡已民國二十一年三月桂薰序

張氏醫案

附經驗藥方

成都張國華少浦箸

男體沉用和校訂

受業胡啓璣子康校印

癩疹爲病治之者多用生地養陰犀角解毒升麻葛根升提外出然近日癩疹大半不宜此藥鍾君猷子立名同海珊四女出疹現症尙順余主以辛涼透毒之藥告之曰此病從肺胃而來雜有濕邪初起不宜升麻葛根並不宜生地犀角丹皮海珊在京未歸其婦以女發熱不減易陸某治之見余方有桔梗薄荷石斛花粉連翹銀花牛蒡通草向君猷曰立方甚佳但麻已出齊不宜桔梗其發熱不退非用生地丹皮犀角涼血不爲功君猷以陸醫之藥皆余之所忌疑而不服而海珊女服後癩即收隱涕淚俱無矣急延余至言其情形余曰此時祇有展化肺氣一法遂用連翹瓜蒌皮桔梗牛蒡枇杷葉杏仁通草藿梗一服

而癰卽出見涕淚俱來矣後以麥冬尖貝石斛竹茹甜杏花粉慈菰茯苓數服
痊愈此女因多病成疳腹瀉頭汗髮黃如穗小便青綠如稀糞西醫謂其肺壞
不治余用石蟹一對石決明一對俱醋煨蒼朮八分麝香二分胆草六分雄黃
六分夜明沙二錢硃砂二分胡黃連一錢共研末蒸雞肝常服其病遂愈今已
肥健矣

楊敬畬之子出疹足下不甚大現余亦用辛涼透毒法敬畬疑未出透迫於加
用葛根防風不意自行連服二劑癰卽汗黯眼鼻口脣俱已衝爛腹泄下虵煩
燥不寧改用泡參法夏麥冬各二錢蓮米滑石茯苓石斛花粉各三錢連翹二
錢甘草五分黃連五分因法夏黃連其味苦辛可以安虵而麥門冬湯加滑石
等藥可以養脾而滲濕余見受暑泄虵者用此神效此症表裏受傷脾肺虛而
內有濕熱也一服眼鼻口爛次日即愈癰復紅潤遂於此方出入收功伊贈余
匾額曰長沙嬭派意在切姓但陳腐耳

仁壽李和喧之子出疹誤服升麻葛根牙齦腐爛喉舌起泡近年痲疹俱不宜此二藥亦氣運使然也余用牛蒡銀花連翹石斛薄荷黃芩杏仁花粉外用硼砂冰片雄黃人中白兒茶青黛等分研末吹喉舌上後用甘露飲加減而愈胡子康之子出痲疹咳嗽發熱口渴藥用薄荷荊芥桔梗杏仁連翹牛蒡神麴竹茹枇杷葉花粉外以西河柳芫荽椿樹皮煎水洗其周身痲遂出齊後現喉痛舌黃白苔膩鼻乾無涕小便短大便溏而偏脹以玉竹生地炭鮮梨白芍麥冬枇杷葉甘草玄參前症頓除於此方加減而愈

劉某之女孫出痲疹醫用白芥子玄參葛根升麻等藥痲出而氣喘鼻乾無涕舌爛余知其肺氣不斂而傷陰也遂用生地炭麥冬石斛鮮梨玉竹枇杷葉竹茹通草甜杏白芍喘定得涕依方加減服之而愈按此病不可用辛溫燥藥以發表有熱亦不可過用苦寒滋膩遏其出路辛涼透托之品的是妙劑

王從之令郎名瑋患濕熱醫誤以石膏大黃投之發熱咳嗽腹泄口乾不思飲

余以通草枇杷葉連翹苡仁桔梗藿梗白蔻七分滑石投之泄止旋用通草枇杷葉花粉竹茹貝母連翹杏仁藿梗茯苓豆卷出入爲方後以甘淡養脾收功凡濕熱爲病要看濕熱二者孰多斟酌用藥大法不離辛開苦降淡滲之品溫熱經緯溫病條辨辨之最詳此病發熱惡寒身痛狀似瘧疾忌用發表口乾溺短赤忌純用苦寒傷胃口苦舌白或灰黃多汗胸痞忌消食又有腰痛頭痛而痛有在後腦者蓋舌白爲濕之徵多汗口苦爲熱蒸之象腰痛頭痛濕邪遊移於太陽以太陽爲寒水之經從其類也其傍晚病卽加劇濕爲陰邪晚屬陰也猶記家父前歲患此熱甚時譫語胸痞余用苦杏連翹牛蒡淡竹貝母黃芩菖蒲建翹滑石後加苡仁竹茹白蔻七分而去淡竹菖蒲復去白蔻建翹牛蒡竹茹加蘆竹根藿梗後以白朮黃芩廣皮茯苓枳殼貝母花粉苡仁瓜蒌皮竹茹收功大抵此症雖是濕邪然不宜用蒼朮苓澤葉天土甘露消毒飲能神明其用治此病於初起有餘刃矣但病去不可以朮補之苡仁扁豆茯苓實蓮米卽是

要藥如要用朮則必加枳壳廣皮以行氣如病後傷陰生地角參貴在善用石斛花粉麥冬泡參甘草養其胃陰足矣此病有流鼻血或作嘔者如薄荷白茅根豆黃卷杏仁蘆竹根黃芩藕節連翹薤梗枇杷葉極效又脚痠痛苡仁防已蠶沙滑石木通在所必用若用蒼朮黃柏木瓜鮮不敗矣又有脅痛而誤服小柴胡遂至咳嗽不利則桔梗玄胡索尖貝母瓜蒌杏仁連翹豆黃卷又所必用之藥也近年濕熱病極多亦氣運使然余所經驗者以千百計故敘其大概如此又有吐衄者則黃連亦可用鍾君猷曾患耳鳴亦濕熱爲患用菖蒲五分滑石三錢豆卷四錢桔梗二錢苡仁三錢連翹黃芩建翹各二錢服之而愈又有耳後紅腫硬痛極似襯耳寒者前方亦生效

趙團長祥齋病濕溫舌白身痛腹泄往來寒熱咳嗽晚尤甚醫誤爲瘧用柴胡桂枝參朮等藥病遂加重至安岳延余治之斷其確爲濕溫發表清熱俱難奏效況其誤藥尤非旦夕可愈延余二次遂另易醫聞以洋參與服冀其止瀉數

日即斃錄此以見此病原係纏綿不可妄求速效也

姪女體勞患濕熱往來寒熱而無定時腹痛作泄裏急後重微汗口乾頭痛此肺氣壅塞熱移大腸之故其往來寒熱者因肺主皮毛經云肺熱則洒淅惡寒毫毛直豎然不知者必以爲瘧矣肺熱病先淅然厥起毫毛惡風寒舌上黃身熱汗出而寒蓋肺與大腸相表裏熱移大腸故裏急後重而腹痛濕邪化熱與燥熱不同故泄瀉而口乾不渴也其微汗頭痛經云濕家有汗不解其邪上凌清竅故作痛也此病發表清利皆其所忌而甘草尤不可用以其甜能守中而生濕無奈知之者少真可歎也藥用薄荷黃芩淡竹連翹桔梗花粉蘘梗白蒺蘆竹根枇杷葉先清肺氣後去薄荷加滑石苡仁泄止去白蒺滑石桔梗後見咳嗽復去蘆根蘘梗加石斛蓮米銀花杏仁而痊

陸正文患濕熱身痛頭痛發熱舌白而燥中心灰黑余用杏仁蘘梗薄荷牛蒡花粉桔梗連翹淡竹通草銀花次日舌胎滿布黃白膩苔鼻血身痛此濕邪鬱

於氣分然不敢苡仁恐其滯脾助熱不用滑石既見舌燥更慮刮陰改用蠶沙木通連翹桔梗銀花牛蒡瓜蒌皮花粉竹茹枇杷葉蘘梗病遂大減後以苡仁銀花茯苓通草花粉石斛而瘳

蕭某患濕熱左脅痛口苦鼻血醫以小柴胡湯投之病加劇咳不出聲痛轉難側疑爲肝癰以歸地等藥與服更劇余以元胡索桔梗瓜蒌皮貝母杏仁花粉出入爲方而愈

何家泉病溫熱迭用清熱養陰發熱不止人昏沉吐衄舌心微黑（虻虫徵候舌心微黑或花白）師烏梅丸意用生地四錢烏梅二錢乾薑三分黃連一錢角參三錢白芍三錢麥冬三錢木通二錢杏仁二錢熱通神清舌黑亦散斯時不乾薑鮮有濟也後以生地炭麥冬白芍花粉甘草青果等味橘餅一錢出入爲方而痊

田繩五婦患溫熱延楊序東治之用角參麥冬白芍銀花甘草花粉石膏黃連

等藥發熱不止人漸昏沉余以前方內去石膏加生地三錢卽熱退神清後以養陰調理而安

徐甘霖陰虛夾痰胸膈痞滯譫語口渴兩頰時而發赤大小便閉誤服犀角地黃等藥六脈時有時無以爲陽虛欲脫用附子乾薑投之氣粗舌微黑昏不知人又以大黃枳實投之不效始延予治遂用旋復沙參赭石法夏黃連瓜壳花粉杏仁連翹竹茹枇杷葉投之病減神清後用連翹三錢菖蒲三分花粉竹茹旋復各二錢尖貝黃連各一錢牛蒡子杏仁枇杷葉金銀花各二錢譫語口渴發赤俱愈於前方去菖蒲旋復加桔梗慈菇蘆竹根小便遂通改用兩頭尖茯苓枳壳杏仁酒大黃花粉桔梗牛蒡焦梔子生地大便亦通後以泡參石斛蓮米麥冬白芍花粉貝母雲茯苓女貞與服胸痞亦愈後於用此方出入調之而安

號兵鄭吉成溫熱病後誤服參芪補藥然體質本虛特徵有餘熱未盡遂致口

渴舌白無苔發熱點頭不已問其大便已五六日不通余用酒大黃兩頭尖從
蓉枳殼桔梗連翹杏仁白芍一服而大便通舌苔黃色徧布此伏熱透出之兆
再用生地石斛銀花麥冬花粉黃芩白芍甘草數劑即愈

劉詰患溫熱愈後思食酸物因服酸湯太多腹大痛余用飴糖調開水與服即
止後用桂枝秦歸白芍甘草雲苓大棗以和營衛即痊

白狼擾秦余從軍援陝許震歐於廣元患溫熱面目俱黃發熱口渴鼻孔黑如
煙煤時發煩燥所幸神識不大昏瞶不知者以爲濕熱也余以產後亡血現象
推之用白虎湯加生地犀角連翹丹皮杏仁熱退渴止因天熱屋小感受暑氣
又復發熱命其遷居瘟祖廟仍主前方逐次漸痊後因服藥未二十分鐘護兵
以稀粥與食遂大吐不醒人事目上視口吐白泡師長惶惑深怨許之信余太
過而致此殆也幸陳子猷君見余治軍官學校病生素有把握力阻另易他醫
余曰無恐此久病胃虛食粥太驟前藥尙未消化兩相激盪胃氣不安故不能

不吐耳但辛燥之物不可妄投再奪胃液且伏熱尚未盡淨遂用灶心土法夏
茯苓煎服卽蘇後用花粉石斛竹茹茯苓白芍麥冬枇杷葉各二錢法夏一錢
甘草三分二帖卽瘳

余在軍官學校治學生痢疾有仰臥而稍安者有仰臥而腹痛瀉甚者有坐而
稍安者有坐而腹痛瀉甚者雖經治愈多人迄今莫明其故記治楊植痢疾腹
痛便紅白舌苔青灰色而潤有似濕熱夾有穢濁在內清之攻之厚朴滑石蒼
朮等藥徧嘗不效高尊三向余商治余曰痢久傷陰脾氣下陷舌苔青灰脾陽
受困不能化濕之故主以和血調氣遂用泡參當歸茯苓玄胡索蘆梗廣皮炙
草白芍生薑法夏服之卽效後於前方加苡仁扁豆大棗去玄胡卽瘳

真正痢疾便紅白涎沫裏急後重發熱發嘔腹痛有如刀攪余治一人病勢如
上而清熱消滯之藥徧嘗不效診其脈浮數而空此表邪未解爲苦寒之藥所
遏抑用人參敗毒散一服熱止痢減旋用育陰調氣而痊又蘇賣布之妻患感

冒醫用下藥遂致二便偏墜不通腹脹而痛勢甚危殆亦用敗毒散而愈
外侄女黃患吐瀉醫以薑附桂吳木香純剛之劑刳其胃液人事時而昏沉自
呼心中難過乾嘔目或上視起臥不寧此土虛而肝風內動也以沙參三錢棗
皮二錢黃連四分菊花二錢炙女貞麥冬各四錢白芍茯神石斛扁豆蓮米各
三錢炙甘草一錢生地三錢淡竹葉一錢投之遂安後用沙參阿膠首烏蓮米
棗皮大棗炙女貞白芍茯神石斛炙草數帖而痊婦女患帶下症者十有九人
此因蓉垣飲料不潔硝水過重所致故治此病每以健脾除濕奏效然不僅此
紫東街周姓婦患帶下如注頭昏腰痛腹脹心空不思飲食余用四物湯加廣
台烏蒼朮各二錢麥牙雲苓法夏穀牙焦梔香附米各三錢舒其肝鬱帶遂止
後以養脾藥治之卽痊又簸箕街丁姓婦患赤白帶下如注頭昏腰痛動則下
注更甚心燒口渴不思食余用阿膠炙棗皮沙參生地白芍旱蓮草兔絲淮山
藥茯神續斷炙草養陰固腎投之卽安後本此意調之而愈若以前法燥藥破

氣鮮不誤矣可見一病有一病之治法也

嘉永興兩足痿軟無力膝蓋內汨汨作響此肝腎虛而濕邪內著也藥用巴戟四錢牛膝二錢細辛三分熟地苡仁續斷各三錢木瓜二錢防風白朮秦歸茯苓五加皮狗脊各三錢出入爲方後用此藥爲丸服之而痊宋明軒亦患此病兩足時而廢不能行亦用此藥而愈獨學生楊毓患兩足如廢不能起牀餘無他病則用金匱桂枝芍藥知母湯全方覆杯而瘳

胡石安前患中風愈後語言蹇澁陡覺喉痛醫用桂枝湯加杏仁遂茶水俱不下咽急倩法國醫穆里雅診斷謂其症屬不治此非喉症乃風痰爲患無論用何妙藥必然服之即吐因胃脘起一種抵抗力也余用礞石滾痰丸研末調水借法醫之象皮管通下胃口藥卽從象皮管輸入下咽後竟吐痰而不吐藥於

改用石膏黃連礞石法半夏瓜蒌皮尖貝母廣陳皮淡竹葉花粉杏仁等藥爲治竟得生全後詢之法藥乃諉之西醫運氣不好中醫運氣好抑何可

是加減

笑然西醫器具精良則爲中國所不及余在南充治陳伯堯之堂兄素有酒病發則便閉不通此次雜有淋濁其小便閉已三日矣勢甚危殆急用滋腎丸法以肉桂知母加生地滑石桔梗澤泄茯苓淮山藥棗皮煎服外用田螺螯蔥白車前仁麝香同搗貼臍上以火熨之便通不過點滴而已余延蔣鳳鳴用象皮通尿管通之小便立至余後以六味地黃湯加減治之而瘳

襟弟張篤生尊翁式如年八十矣患中風口眼喎斜右手足拘攣夜不能寐後腦作痛此病係腦出血多發於五十歲後之人因血液漸枯血管脆而易裂之故其口眼喎斜因顏面神經受其牽掣手足拘攣因血管破裂不能通達之故夜不能寐腦失血養之故此西醫云然頗爲近理余本其說以炙女貞淮山藥茯神炙棗皮天冬麥冬蓮米石斛白芍炙草等藥治之次日病減大半手能舉箸矣因夜不能寐再以前方加棗仁黃連遠志地骨皮去山藥石斛飲食漸加腦痛亦減余以爲從此調理可望痊愈矣殊式翁求效太速次日請人炙其後